## АЖРИМ

(даъво аризасини кўрмасдан қолдириш ҳақида)

## Беруний тумани

2024 йил 10 май

Беруний туманлараро иктисодий судининг судьяси Ж.Аманиязов раислигида, судья ёрдамчиси Д.Мамбетсалиевнинг котиблигида, фермерлар кенгаши вакили хукук маслахатчиси Ж.Худайбергенов (2024 йил 10 май кунги 145-сонли ишончнома) даъвогар фермер хўжалиги рахбари С.Аразов ва жавобгар вакили хукук маслахатчиси О.Бобониёзов (2024 йил 24 январь кунги 45-сонли ишончнома) ларнинг иштирокида, Қорақалпогистон фермер, деҳқон хўжаликлари ва томорқа ер эгалари кенгашининг "TOZABOG` BO`STON" фермер хўжалигининг манфаатини кўзлаб, унинг фойдасига жавобгар "ELLIKQAL`A OLTIN TOLASI KLASTERI" масъулияти чекланган жамиятидан 560 191 633 сўм асосий қарз ва 112 038 326 сўм пеня ундириш ҳақидаги даъво аризасига асосан кўзғатилган иктисодий ишни суд биносида очик суд мажлисида кўриб чикиб, куйидагиларни

## АНИКЛАДИ:

Қорақалпоғистон фермер, деҳқон хўжаликлари ва томорқа ер эгалари кенгаши (бундан буён матнда — Кенгаш деб юритилади) "TOZABOG' BO`STON" фермер хўжалиги (бундан буён матнда — даъвогар деб юритилади) нинг манфаатини кўзлаб, унинг фойдасига жавобгар "ELLIKQAL'A OLTIN TOLASI KLASTERI" масъулияти чекланган жамияти (бундан буён матнда — жавобгар деб юритилади) дан 560 191 633 сўм асосий қарз ва 112 038 326 сўм пеня ундиришни сўраган.

Суд мажлисида иштирок этган Кенгаш вакили даъвогар даъво талабларидан воз кечганлигини ва даъвони кўрмасдан қолдиришни сўраганлигини билдириб, даъво аризани кўрмасдан қолдиришни сўради.

Суд мажлисида иштирок этган даъвогар рахбари даъво талабларидан тўлик воз кечганлигини билдириб, бу ҳақида аризасини такдим қилиб, даъво аризани кўрмасдан қолдиришни сўради.

Суд мажлисида иштирок этган жавобгар вакили даъвони кўрмасдан колдиришни сўради.

Суд жавобгар вакилининг тушунтиришларини тинглаб, ишдаги хужжатларга хукукий бахо бериб, куйидагиларга асосан даъво аризасини курмасдан колдиришни лозим топди.

Ишдаги хужжатлардан аниқланишича, даъвогар "TOZABOG` BO`STON" фермер хужалиги даъво талабларидан воз кечган ва даъвони курмасдан колдиришни сураган.

ИПК 107-моддасининг 8-бандига асосан даъвогарнинг манфаатларини кўзлаб прокурор, давлат органи ва бошқа шахс томонидан тақдим этилган

даъводан даъвогар воз кечган бўлса, суд даъво аризасини кўрмасдан қолдириши лозим.

Шу боис, суд даъво аризасини кўрмасдан қолдиришни лозим топди.

Шунингдек, ИПК 118-моддасининг биринчи қисмига мувофиқ суд харажатлари ишда иштирок этувчи шахсларнинг қаноатлантирилган даъво талаблари миқдорига мутаносиб равишда уларнинг зиммасига юклатилади.

Ўзбекистон Республикаси Президентининг 10 октябрь 2017 йилдаги "Фермер, дехкон хўжаликлари ва томорка ер эгалари фаолиятини янада ривожлантириш бўйича ташкилий чора-тадбирлар тўгрисида"ги ПҚ-3318-сон Қарори 3-бандининг олтинчи хатбошисига асосан, фермер, дехкон хўжаликлари ва томорка ер эгалари манфаатларини кўзлаб судга давлат божи тўламасдан давво аризалари, давлат ва хўжалик бошкаруви органлари, махаллий давлат хокимияти органларининг карорлари, уларнинг мансабдор шахслари хаттихаракатлари (харакатсизлиги) устидан шикоятлар такдим этиш. Бунда давво аризасини каноатлантириш рад этилганда манфаати кўзлаб давво аризаси киритилган фермер, дехкон хўжаликлари ва томорка ер эгаларидан давлат божи ундирилмаслиги белгиланган.

Шу боис, суд иш учун тўланган почта харажатини даъвогар зиммасида колдиришни лозим топди.

Юқорида баён этилганлардан келиб чиқиб, Ўзбекистон Республикаси Иқтисодий процессуал кодексининг 107-моддаси 8-банди ва 195-моддасини қўллаб, суд

## АЖРИМ КИЛДИ:

Даъво аризаси кўрмасдан қолдирилсин.

Иш учун тўланган 34 000 сўм почта харажати даъвогарнинг зиммасида қолдирилсин.

Ажримдан норози тараф бир ойлик муддатда шу суд орқали Қорақалпоғистон Республикаси судига апелляция тартибида ёки апелляция тартибида кўриб чиқилмаган биринчи инстанция судининг ажрими устидан ажрим қонуний кучга кирган кундан эътиборан олти ой ичида кассация тартибида шикоят берилиши ва прокурор протест келтириши мумкин.

Судья Ж.Ж.Аманиязов

